

Anggota keselamatan UMK perlu tingkatkan ilmu

Oleh : Syarimie Wosley

Gambar : Al Azam Razi

Hebahan : Berita@umk.edu.my



SETIAP anggota keselamatan Universiti perlu melengkapkan diri dengan pelbagai kemahiran dan ilmu dalam memastikan mereka sentiasa cekap dan proaktif untuk melaksanakan amanah serta tanggungjawab keselamatan semasa bertugas di kampus.

Ketua Komponi Markas Kem 4 Regimen Sempadan Gerik, YBhg. Mejar Rahmat bin Mat San, berkata, kemahiran dan ilmu yang diperolehi dalam kursus ini wajar dimanfaatkan anggota keselamatan untuk meningkatkan imej universiti kerana sememangnya kemahiran ini diperlukan ketika menjalankan tugas-tugas keselamatan.

Beliau berkata, ilmu dan latihan yang diberikan oleh jurulatih-jurulatih di kem ini tidak jauh bezanya dengan peranan anggota keselamatan universiti kerana tugas pasukan keselamatan umumnya adalah menjaga keselamatan masyarakat dan negara.

“Segala ilmu yang diterima dalam kursus dan latihan ini mampu membentuk disiplin yang tinggi dikalangan anggota keselamatan sebagai barisan hadapan yang bertindak sebagai duta semasa bertugas di pintu masuk utama universiti,” katanya.

Beliau berkata demikian pada ucapan majlis perasmian penutup Kursus Jati Diri dan Kepimpinan Siri 1, Bahagian Keselamatan, Jabatan Pendaftar, Universiti Malaysia Kelantan (UMK) di Kem 4 Regimen Sempadan Gerik, Perak, pada 25 April 2013.

Menurut Mejari Rahmat, setiap anggota perlu sentiasa menjalani latihan supaya mereka didekah dengan segala pengetahuan, kecekapan serta kemahiran sebagai strategi yang diperlukan semasa melaksanakan tugas dengan bersungguh-sungguh.

"Saya merasa bangga dengan kehadiran pihak UMK ke kem ini dan kami sentiasa mengalu-alukan kerjasama untuk terus mengadakan program seperti ini sebagai salah satu langkah ke arah memenuhi keperluan latihan fizikal dan mental setiap anggota keselamatan," ujarnya.

Sementara itu, Pegawai Keselamatan UMK, YBrs. Encik Wan Salman bin Wan Salleh, berkata, pihak Bahagian Keselamatan UMK akan sentiasa menganjurkan pelbagai program pembelajaran dan latihan bagi menyediakan anggota keselamatan yang berilmu, bersikap positif, cekap dan proaktif.



Tambahnya, anggota keselamatan UMK merupakan barisan hadapan yang membawa imej universiti perlu sentiasa dilengkapi dengan latihan kemahiran bagi memastikan dapat melahirkan anggota keselamatan yang cekap menjaga keselamatan Universiti.

Beliau juga berharap dengan penganjuran kursus ini dapat membina pasukan dan kepimpinan yang berkesan, memupuk sifat ketahanan diri ketika menghadapi cabaran dan rintangan serta berjaya melatih pasukan untuk bertolak-ansur dan bekerja dalam satu pasukan," ujarnya.

Kursus Jati Diri dan Kepimpinan Siri 1 itu pada 22 - 25 April 2013 telah disertai lebih 41 anggota keselamatan daripada UMK Kampus Kota, Bachok dan Jeli. Sementara itu, Kursus Jati Diri Dan Kepimpinan Siri II akan diadakan pada 29 April hingga 2 Mei 2013.

